



Općina Stari Grad Sarajevo
Općinski Načelnik

Municipality of Stari Grad Sarajevo
Municipality Mayor

Na osnovu odredbi člana 15. Zakona o principima lokalne samouprave Federacije Bosne i Hercegovine ("Službene novine Federacije Bosne i Hercegovine" broj: 49/06 i 51/09), člana 34. Zakona o radu Federacije Bosne i Hercegovine („Službene novine Federacije BiH“, broj: 26/16, 89/18 i 23/20 – Odluka US 49/24, 103/21 i 44/22), člana 6. Pravilnika o uslovima i postupku izbora i prijema lica na stručno osposobljavanje bez zasnivanja radnog odnosa u jedinstveni organ uprave Općine Stari Grad Sarajevo („Službene novine Kantona Sarajevo“, broj: 5/24), Općinski načelnik Općine Stari Grad Sarajevo, raspisuje

JAVNI POZIV

za prijem 15 (petnaest) lica sa završenom visokom stručnom spremom – VII stepen, odnosno lica sa završenim prvim, drugim ili trećim ciklusom bolonjskog studija na stručno osposobljavanje bez zasnivanja radnog odnosa

I - PREDMET JAVNOG POZIVA

Predmet ovog Javnog poziva jeste prijem 15 (petnaest) lica sa završenom visokom stručnom spremom – VII stepen, odnosno lica sa završenim prvim, drugim ili trećim ciklusom bolonjskog studija na stručno osposobljavanje bez zasnivanja radnog odnosa, shodno Planu stručnog osposobljavanja lica bez zasnivanja radnog odnosa za tekuću godinu donesenom od strane Općinskog načelnika, usklađen sa prijedlogom službi za upravu Općine Stari Grad Sarajevo.

U skladu sa navedenim Planom, Javni poziv se odnosi isključivo na lica sa završenom visokom stručnom spremom – VII stepen, odnosno lica sa završenim prvim, drugim ili trećim ciklusom bolonjskog studija slijedećih fakulteta:

- Građevinski fakultet, (za dvije osobe za stručno osposobljavanje bez zasnivanja radnog odnosa)
- Geodetski fakultet ili drugi fakultet geodetskog smjera, (za dvije osobe za stručno osposobljavanje bez zasnivanja radnog odnosa)
- Pravni fakultet, (za dvije osobe za stručno osposobljavanje bez zasnivanja radnog odnosa)
- Fakultet političkih nauka, (za tri osobe za stručno osposobljavanje bez zasnivanja radnog odnosa)
- Pedagoški fakultet, (za jednu osobu za stručno osposobljavanje bez zasnivanja radnog odnosa)
- Filozofski fakultet, (za jednu osobu za stručno osposobljavanje bez zasnivanja radnog odnosa)
- Arhitektonski fakultet, (za dvije osobe za stručno osposobljavanje bez zasnivanja radnog odnosa)
- Ekonomski fakultet, (za dvije osobe za stručno osposobljavanje bez zasnivanja radnog odnosa).

II - OPĆI USLOVI

Opći uslovi, koje lice mora ispunjavati za prijavu na ovaj Javni poziv su:



- Da je državljanin Bosne i Hercegovine
- Da je starije od 18 godina
- Završena VSS - VII stepen stručne spreme, odnosno završen prvi, drugi ili treći ciklus bolonjskog studija visokoškolskih ustanova iz tačke I ovog Javnog poziva
- Da lice koje se prijavljuje na Javni poziv, nakon sticanja visoke stručne spreme – VII stepen, odnosno završenog prvog, drugog ili trećeg ciklusa bolonjskog studija nema 12 (dvanaest) mjeseci radnog iskustva

III – DOKUMENTACIJA KOJOM SE DOKAZUJU OPĆI USLOVI IZ TAČKE II OVOG JAVNOG POZIVA

Kandidati koji se prijave na Javni poziv, prilažu dokaze o ispunjenosti uslova, original ili ovjerene fotokopije, i to:

- Svojeručno potpisanu prijavu sa kraćom biografijom (Obrazac u prilogu Javnog poziva)
- Uvjerenje o državljanstvu (ne starije od 6 mjeseci),
- CIPS - prijava mjesta prebivališta (ne starija od 6 mjeseci),
- Fakultetska diploma (nostrificirana diploma, ukoliko fakultet nije završen u BiH), za lica koja se prijavljuju za stručno osposobljavanje nakon sticanja visoke stručne spreme i to na period od 12 (dvanaest) mjeseci;
- Dokaz da kandidat nema ostvaren radni staž/iskustvo u trajanju od 12 (dvanaest) mjeseci, nakon stečenog visokog obrazovanja (Potvrda/Uvjerenje Federalnog zavoda za PIO/MIO ukoliko kandidat nema ostvarenog staža uopšte ili Uvjerenje o podacima registrovanim u matičnoj evidenciji Federalnog zavoda PIO/MIO uz potvrdu ranijeg poslodavca ili dokaz da kandidat nije radio na poslovima sa visokom stručnom spremom ukoliko kandidat ima ostvaren radni staž);

IV - PRIJAVA NA JAVNI POZIV

Prijavu na javni poziv mogu podnijeti sva lica koja ispunjavaju uslove iz tačke II ovog Javnog poziva.

V - NAČIN PRIJAVE I ROK ZA PODNOŠENJE PRIJAVE

Ovaj Javni poziv se objavljuje na web stranici Općine Stari Grad Sarajevo. Rok za podnošenje prijava je 8 (osam) dana od posljednje objave ovoga Javnog poziva, odnosno do 27.09.2025. godine.

Prijava se podnosi poštom preporučeno ili putem službenog protokola Općine Stari Grad Sarajevo u zatvorenoj koverti na adresu:

Općina Stari Grad Sarajevo
Zelenih beretki broj 4, sa naznakom
JAVNI POZIV

**za prijem 15 (petnaest) lica sa završenom visokom stručnom spremom – VII stepen, odnosno
lica sa završenim prvim, drugim ili trećim ciklusom bolonjskog studija na stručno
osposobljavanje bez zasnivanja radnog odnosa
NE OTVARATI!**

Aplikacije uz koje nije dostavljena obavezna dokumentacija iz tačke III ovog Javnog poziva, Komisija odbacuje kao da nisu ni podnesene i o istom obavještava aplikanta pismenim putem.

VI - REZULTATI JAVNOG POZIVA I POTPISIVANJE UGOVORA

Općinski načelnik imenuje Komisiju za postupanje po aplikacijama dostavljenim na raspisani Javni poziv za prijem 15 (petnaest) lica sa završenom visokom stručnom spremom – VII stepen, odnosno lica sa završenim prvim, drugim ili trećim ciklusom bolonjskog studija na stručno osposobljavanje bez zasnivanja radnog odnosa (u daljem tekstu: Komisija). Zadatak Komisije je da izvrši pregled svih aplikacija sa dostavljenom dokumentacijom.

Po izvršenom pregledu svih dostavljenih aplikacija Komisija dostavlja Općinskom načelniku, prijedlog za donošenje odluke o prijemu lica na stručno osposobljavanje i zaključenje ugovora o stručnom osposobljavanju bez zasnivanja radnog odnosa sa podnosiocem prijave.

OPĆINSKI NAČELNIK

Irfan Čengić

Broj: 01-04-4-2649/25

Datum: 18.09.2025. godine